

# Nappaammik perlerornermik (rabies) akiuiniarneq pillugu Namminersornerullutik Oqartussat nalunaarutaat

Inuussutissanik uumasullu nappaataannik inunnut tunillaassuussinnaasunik nakkutilliineq pillugu Inatsisartut peqqussutaanni nr. 17-imi 28. oktober 1993-imeersumi, Inatsisartut peqqussutaatigut nr. 7-ikkut, 2. maj 1996-imeersukkut allanngortinneqartumi § 14 aamma § 15, imm.2, aammalu justitsministerip akuersineratigut Kalaallit Nunaanni eqqartuussisarnermik inatsit tunngavigalugu, inatsimmik nalunaarut nr. 99, 21. marts 1984-imeersumi kap. 1, § 17, imm. 2 naapertorlugu makku aalajangersarneqarput:

## Kapitali 1

### *Atuuffia nassuiatillu.*

§ 1. Nalunaarummi matumani nersutaatini nersutinilu nujuartatut uumasuni perlerornermik nappaateqarnerup akiorniarneqarnissaa pineqarpoq.

*Imm. 2.* Akiuiniarnermi nakkutilliineq, mattussiviit, misissuineq, matumani naapaatip suussusiata paasiniarneqarnissaa siunertaralugu misissugassanik tigooraaneq ilanngullugu, mattussineq, toqoraaneq, uumasut timaannik toqungasunik suujunnarsitsineq akiuussutissamillu kapuineq ilaatinneqarput.

§ 2. Nunap immikkoortuatut mattussaasutut isigineqarpoq nunap ilaa erseqqissumik killilerneqarluni immikkoortinneqartoq, nunap immikoortuani perlerornermik tunillaassuuffiusumiit tunillaassuuffusorineqartumilluunniit tunillaassuuffunngitsumut nappaatip taassuma tunillaassoqqinnissaa pinngitsoortinniarlugu.

§ 3. Nalunaarummi matumani nunap immikkoortuisut qimmeqarfusutut paasineqassapput nuna Sisimiut Kommunianni Kangerlussuarumiit avannamut Avanersuup Kommunian ilanngullugu, Kalaallit Nunaanni Nuna eqqissisimatitsivik kiisalu Ittoqqortoormiit Ammassallillu kommunii.

§ 4. Nalunaarut una naapertorlugu nersutinik toqutsineq kommunalbestyrelsimit ingerlanneqassaaq. Politiit piumaffigineqarnertik tunngavigalugu kommunalbestyrelsimut ikiuussinnaapput. Allatut ajornartillugu politiit nersutinik toqutsisinnaapput imaluunniit toqutsisisinnaallutik.

## Kapitali 2.

### *Perlerornerup ilisarnaatai.*

§ 5. Nersut illumiutaq perlerortutut isigineqassaaq makku ilaat ataaseq arlallilluunniit nersummi ilisarnaatitut malugineqarsinnaappata: Qappiorneq, nipaata allanngornera, iisiniapiloortarneq, toqqissisimannginneq, pissusilersornerata pissusissamisunnginnera soorlu piviusuusaartitanik kiiseriaqattaarneq, nujoqqanneq, paatsiveqanngitsumik pissusilersorneq, soqqusaatsuliorneq sorusussuseqannginnermik akunnilerneqartartoq, sassusserusunneq kiisalu pingaartumik alleruusa

*Imm. 2. Nersut nujuartatut uumasuusoq perlerortutut isigineqassaaq nersut pissusissamisuunngitsumik pissusilersorpat, soorlu pisarnermit nujuinneruppat, paatsiveqanngitsumik pissusilersorpat ilaatigut saassussiniarnermik nipillu allanngorneranik ilaqartumik.*

*Nalunaaruteqarneq.*

*Perlerornermik pasitsaassinermi iliuuserisassat.*

Akiuiniarnermi iliuuserisassat.

**§ 10.** Nersutiniq perlerortoqarneranik pasitsaassinermi imaluunniit inoqarfiusuni perlerortoqarneranik paasisaqarnermi kommunalbestyrelsi Avatangiisinut Pinngortitamullu Pisortaqarfiup Nersutit nappaataannut immikkoortortaqarfianik politiiinllu isumasioqategareernikkut sapinngisamik

piaarnerpaamik nunap ilaanik piffissami aalajangersimasumi matusigallassaaq.

*Imm. 2.* Aqqutini qimussillu illerngini nunap ilaanut mattussaagallartumut aqquataasuni allagartanik ikkussisoqassaaq, tassani nalunaarneqassalluni "Perlerorneq. Nunap ilaa matusaagallartoq. Kommunalbestyrelsi". Kommunalbestyrelsip nunap ilaanik matusigallarneq tamanut tusarliutissavaa.

*Imm. 3.* Nunap ilaani mattunneqartumi qimmit qitsuillu pitussimaneqarlutilluunniit mattusimaneqassapput. Taamaattorli tamanna qimmiaqqanut qaammatit marluk inorlugit pisoqaassusilinnut atuutinngilaq.

*Imm. 4.* Qimmit qitsuillu nunap ilaani mattunneqartumut eqqunneqaratilluunniit anninneqassanngillat. Qimmit qimuttut najugaqarfmit allaneersut nunap ilaani mattunneqartumut 500 meterinit qaninnerusumut qanillisinneqassanngillat, qimussillu nalinginnaasumik aqqutigisartagaasa avataanni kommunalbestyrelsimit erseqqissumik killilersorlugillu innersuunneqarsimasuni pituttarineqarlutillu nakkutigineqartassallutik. Qimmit pituussaarsimasut piaartumik toqunneqassapput, qimmip pineqartup naammaginnartumik akiuussutissamik kapineqarsimanera imaaliillaannaq paasineqarsinnaanngippat.

*Imm. 5.* Imm. 4-mi aalajangersagaq apeqquataatinngu qimmit qimuttut qitsuillu akiuussutissamik naammaginnartumik kapineqarsimasutut uppersarneqarsinnaasut nunap ilaani erseqqissumik killilersukkamilu mattussamut tassanngalu avammut ingerlanneqarnissaat § 14 naapertorlu-gu kommunalbestyrelsit akuerisinnaavaat.

*Imm. 6.* Nunap ilaani mattunneqarsimasumi qimmit qitsuillu pituttaanatit tavattut ingerlaannavik toqunneqassapput, timaallu suujunnaarsinneqassallutik, taamaattoq tak. imm. 3 aamma 4. Suujunnaarsitsineq ikuallaanikkut, 1,3 meterimit itinerusumut assaassinikkut imaanulluunniit kiversaanikkut pisassaaq.

*Imm. 7.* Nunap ilaani mattussaasumi qimussimik sukkaniunnerit nersutinillu katersuutsitsinerit allat inerteqqutaapput.

*Imm. 8.* Terianniat nunap ilaani mattunneqarsimasumi pisarineqartut ingerlaannaq suujunnaarsinneqartassapput, tak. imm. 6.

**§ 11.** Nersutit illumiuttat, matumani qimmit qimuttoqatigiikkuutaat ilanngullugit, akornanni ataaseq arlallilluunniit nersummit allamit perlerortumit kiineqarsimanissaat attorneqarsimanissaalluunniit ilimagineqarpat Avatangiisinut Pinngortitamullu Pisortaqarfiup Nersutit nappaataannut immikkoortortarfiata uumasooqatigiit qimuttoqatigiinnilluunniit avissaartuutsinneqarnissaat piffissami erseqqinnerusumik aalajangersarneqartumi inerteqqutigisinnaavaa.

*Imm. 2.* Taamaattorli Avatangiisinut Pinngortitamullu Pisortaqarfiup Nersutit nappaataannut immikkoortortaqarfiata nersutit, qimmit qimuttut pinnagit imm. 1-mi avissaartuutsinneqarnissaannik inerteqqummi pineqartut ilaata ingerlaannavik toqunneqarnissaa akuersissutigisinnaavaa.

**§ 12.** Nersut nersuteqatiminit perlerortumit kiineqarsimasooq toqunneqassaaq. Taamaattorli qimmeq qitsulluunniit kiineqarnini sivikinnerpaamik qaammat ataaseq sivisunerpaamillu ukiut pingasut sioqqullugu perlerornermut akiuussutissamik kapitissimasooq toqunneqanngitsoorsinnaa-voq. Tamanna pisuni ataasiakkaani tamani Avatangiisinut Pinngortitamullu Pisortaqarfiup Nersutit nappaataannut immikkoortortaqarfianit aalajangiivigineqartassaaq.

## Kapiali 6.

### Taarsiissuteqartarneq.

**§ 13.** Nersutaatinik aalisarnermik, piniarnermik nunalerinermillu inuussutissarsiuteqarnermut atatillugu atorpeqartartunik § 12 malillugu toqoraanermi suujunnaarsitsinermilu piginnittoq uumasut nalingisa amerlaqataannik Landskassimit taarsiivigineqartassaaq.

*Imm. 2.* Imm. 1-imi aalajangersagaq apeqqutaatinnagu qimmit akiuussutissamik naammaginatutimik kapineqarsimanngitsut taarsiissutigineqarsinnaanngillat, tak. § 14.

## **Kapitali 7.**

### *Uumasut akiuussutissamik kaporneqartarnerat.*

**§ 14.** Qimmimik qitsummilluunniit piginnittup nersut taanna sisamanik arfmilinnillu qaammateqarnerata akornanni imaluunniit akiuussutissamik kapitinneranit kingullermit ukiut pingasut sinnerlugit qaangiussimappata perlerornermut akiuussutissamik kapitissavaa.

*Imm. 2.* Nunap ilaani mattusimaneqartumi Avatangiisinut Pinngortitamullu Pisortaqarfiup Nersutit nappaataannut immikkoortortaqrifiata peqqussutigisinnaavaa qimmit qitsuillu marluk sinnerlugit qaammatillit tamarmik imm. 1-imi taaneqartutut akiuussutissamik kapitissimassasut.

*Imm. 3.* Nersutaatinik allanik qimmiunngitsunik qitsuunngitsunillu akiuussutissamik kapuineq taamaallaat Avatangiisinut Pinngortitamullu Pisortaqarfiup Nersutit nappaataannut immikkoortortaqrifiata akuersineratigut pisassaaq.

*Imm. 4.* Akiuussutissamik kapuineq uumasut nakorsaannit inummilluunniit malittarisassat Veterinærdirektoratimit aalajangersarneqarsimasut malillugit akuerineqarsimasumit taamaallaat ingerlanneqassaaq.

*Imm. 5.* Piginnittoq akiuussutissamik kapuinerimut atatillugu nersutit passunneqarneranni pisariaqartumik akeqanngitsumillu ikiuunnissaminut pisussaaitaavoq.

*Imm. 6.* Imm. 4-imi aalajangersagaq apeqqutaatinnagu piginnittup pisuni immikkut ittuni nersutaatini akiuussutissamik Kalaallit Nunaanni nersutit nakorsaannit pissarsiarineqartumik kapisariaqarpaa.

*Imm. 7.* Akiuussutissamik kapineqarnermi kingorna nersut immikkut ittumik nalunaaqutserneqarsimassaaq. Akiuussutissamik kapuinerimut atatillugu nalunaaqutsersuineq, nalunaarsuineq allatulluunniit uppersarsarsuinerit pillugit Avatangiisinut Pinngortitamullu Pisortaqarfiup Nersutit nappaataannut immikkoortortaqrifiata najoqqutassaliussaaq.

*Imm. 8.* Qimmimik qitsummilluunniit piginnittoq nersutit peqqussutaasumik akiuussutissamik kapitinnissaannut pinaaserpat nersutit akiuussutissamik pinngitsaaliissutaasumik kapitinneqarnissaa kommunalbestyrelsip sulissutigissavaa. Akiuussutissamik pinngitsaaliinikkut kapisineq naam-massineqarsinnaanngippat nersut taanna toqunneqassaaq.

**§ 15.** Perlerormik nappaatip akiorniagaaneranut ilaatillugu nersutit nujuartatut uumasuusut, matumani terianniat ilanngullugit, akiuussutissamik kaporneqarnerat Naalakkersuisut aallartisarsinnaavaat.

## **Kapitali 8.**

### *Akiuussutissamik kapuinerimi aningaasartuutit.*

**§ 16.** Qimminik qimuttoqarfiusuni savaateqarfmnilu qimminik, kiisalu § 15 malillugu nersutimik nujuartatut uumasuusunik perlerornermut akiuussutissamik kapuinerimi aningaasartuutit Landskassip akilertassavai.

*Imm. 2.* §14, imm. 3 naapertorlugu akiuussutissamik kapuineq, § 14, imm. 8 naapertorlugu pinngitsaaliinikkut kapuineq kiisalu imm. 1-imi taaneqartut saniatigut nersutimik allanik akiuussutissamik kapuinerimi aningaasartuutit piginnittup akilertassavai.

## Kapitali 9.

*Qimminik qitsunnillu eqqussineq angallassinertu.*

**§ 17.** Qimmit qitsuillu eqqunneqarnissartik sivikinnerpaamik qaammammik ataatsimik sivisunerpaamillu ukiumik ataatsimik sioqqullugu perlerornermut akiuussutissamik kapineqarsimangikkunik Kalaallit Nunaannut eqqunneqassanngillat, eqqunneqassagunillu akiuussutissamik kapineqarsimanermut uppernarsaammik atuuttumik nassataqartinneqartassallutik.

*Imm. 2.* Imm. 1-imi aalajangersagaq apeqqutaatinnagu qimmit qitsuillu qaammatit pingasut inorlugit pisoqaassusillit kapitinneqassanngillat arnaat piaqqinissani qaammammik ataatsimik sivisunerpaamillu ukiumik ataatsimik sioqqullugu perlerornermut akiuussutissamik kapineqarsimappat aammalu akiuussutissamik kapitinnermut allagartamik atuuttumik takussutissaqarpat.

*Imm. 3.* Qimmit qitsuillu Kalaallit Nunaata iluani nassiuinneqartillugit angallanneqartillugilluunniit umiarsuarmik timmisartumilluunniit assartuinnermi saaffigineqartartuni perlerornermut akiuussutissamik kapitissimanermut uppernarsaat atuuttoq takutinneqarsinnaassaaq.

## Kapitali 10.

*Pineqaatissiisarnermut atortuulersitsinermullu aalajangersakkat.*

**§ 18.** Nalunaarummi matumani § 6, imm. 1-imi, § 7, imm. I-imi, § 8, imm. 1-imi, naggammi siullermi, § 10, imm. 3-mi, 4-mi, 6-imi, 7-imi 8-milu, § 11, imm. 1-imi, § 12, § 14, imm. 1-imi, 2-mi, 3-mi, 4-mi, 5-imi, aamma 7-imi kiisalu § 17-imi, aalajangersakkanik unioqqutitsineq arsaarinninnermik pillaatissiilluniluunniit akiliisitsinermik pineqaatissiissutaasinnaavoq.

*Imm. 2.* Unioqqutitsinerit ingerlatseqatigiiffinnit imaluunniit piginneqatigiiffinnit (anpartsselskabinit andelsselskabinillu) assigisaannilluunniit pilarineqarsimappata ingerlatseqatigiiffik piginneqatigiiffilluunniit pillaaammik akiliisinneqarsinnaavoq arsaarinnissuteqarfigineqarsinnaalluniluunniit. Unioqqutitsineq naalagaaffimmit Namminersornerullutik Oqartussanit, kommunimit kommu-nilluunniit ataatsimoorussiviannit pilarineqarsimappat naalagaaffik, Namminersornerullutik Oqartussat, kommuni kommunilluunniit ataatsimoorussiviat pillaaammik akiliisinneqarsinnaavoq arsaarinnissuteqarfigineqarsinnaalluniluunniit.

**§ 19.** Nalunaarut manna 1. oktober 1997 atortuulersinneqarpoq. Tamatumunnga peqatigitillugu perlerorneq (rabies) akiorniarlugu suliniutigineqartussat pillugit Kalaallit Nunaanni nalunaarut 19. februar 1969-imeersoq atorunnaarsinneqarpoq.

*Imm. 2.* Siusinnerusukkut inatsisiliaasut tunngavigalugit aalajangersagaliarineqarsimasut nalunaarut manna tunngavigalugu aalajangersakkanit taarserneqarnissamik tungaannut atuutissapput.

*Namminersornerullutik Oqartussat, ulloq 17. september 1997.*

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut